

БЕКІТЕМІН
«Бірінші болу – батылдық» Корпоративтік қорының
Атқарушы директоры



/С.Н. Қазыбаева
«04» наурыз 2022 ж.

«Алматы марафоны» 2022
жүгіру жарысын өткізу туралы
ЕРЕЖЕ

Алматы қ.
2022 ж.

«Алматы жартылай марафоны» 2022 Жарысын өткізу туралы ЕРЕЖЕ

1. ЖАРЫСТЫ ӨТКІЗУ МАҚСАТТАРЫ

Алматы жартылай марафоны (бұдан әрі – «Жарыс») – 21 км 97,5 м негізгі қашықтығына және 10 км, 10 км скандинавиялық жүріс, 21км 97,5 м экиден эстафетасы қосалқы қашықтықтарына жыл сайынғы жүгіру жарысы. Алматы қаласының әрбір тұрғыны мен қонағы қатыса алатын қалалық жүгіру және спорт әуесқойларының мерекесі. Алматы жартылай марафоны аясында жартылай марафон (21,1 км) бойынша Қазақстан Республикасының Чемпионаты өтеді.

Жарысты өткізу мақсаттары:

- жүгіру мен скандинавиялық жүрісті насихаттау;
- жүгірушілерді халықаралық марафон жарыстарына дайындау;
- дені сау ұлт қалыптастыру;
- бұқаралық спортты дамыту;
- Алматы қаласы тұрғындарының арасында салауатты өмір салтын насихаттау;
- зиянды әдеттерден (темекі шегуден) бас тарту.

2. ЖАРЫСТЫ БАСҚАРУШЫ ҰЙЫМ

2.1. Жарысты өткізу кезінде жалпы басшылықты «Бірінші болу – батылдық» корпоративтік қоры жүзеге асырады.

2.2. Жарысты дайындау мен өткізуді ұйымдастыру «Бірінші болу – батылдық» корпоративтік қорының Ұйымдастыру комитетіне (бұдан әрі – «Ұйымдастыру комитеті») жүктеледі.

3. ЖАРЫСТЫҢ ӨТЕТІН ОРНЫ МЕН УАҚЫТЫ:

3.1. Жарыстың өтетін күні мен уақыты: 2022 жылғы «17» сәуір, сағ. 05:30-дан 13:00-ге дейін.

3.2. Жарыстың өтетін орны: Алматы қаласы.

Барлық қашықтықтардың сөресі: Тұңғыш Президент саябағы, Алматы қаласы, Дулати даңғылы, 1/2.

Барлық қашықтықтардың мәресі: Орталық стадион.

4. ЖАРЫС ҚАШЫҚТЫҚТАРЫ ЖӘНЕ ЖАС САНАТТАРЫ

4.1. Жарыс бағдарламасына мына қашықтықтар енгізілді:

- 21 км 97,5 м жартылай марафоны;
- 10 км қашықтығы;
- 10 км скандинавиялық жүріс;
- 21 км 97,5 м экиден 21.1 (командалық эстафета);
- 21 км 97,5 м жартылай марафоны (онлайн);
- 10 км қашықтығы (онлайн).

4.2. Жарыстың жас санаттары:

4.2.1. Жартылай марафонның (21 км 97,5 м) жас санаттары:

- 18-34 жас;
- 35-49 жас;
- 50-59 жас;
- 60 жастан жоғары.

4.2.2. 10 км-ге жарыстың жас санаттары:

- 15-34 жас;
- 35-49 жас;

- 50-59 жас;
- 60 жастан жоғары.

5. ЖАРЫС ҚАТЫСУШЫЛАРЫ

5.1. Жарысқа қатысуға мына жас санаттарындағы адамдар жіберіледі:

- 21 км 97,5 м жартылай марафоны (соның ішінде онлайн) – 18 жастан асқан қатысушылар;
- 10 км қашықтығы (соның ішінде онлайн) – 15 жастан асқан қатысушылар;
- 10 км скандинавиялық жүріс – 15 жастан асқан қатысушылар;
- 21 км 97,5 м экиден 21.1 (командалық эстафета) – 16 жастан асқан 4 (төрт) адамнан тұратын командалар.

5.2. Жарыста бір мезгілде бірнеше қашықтыққа және бірнеше Экиден командасына қатысуға қатаң түрде тыйым салынады.

5.3. Жарысқа тіркеу кезінде Жарыс өтетін кездегі толық жас мөлшері есепке алынады.

6. ELITE КЛАСТЕРІНЕ БІЛІКТІЛІК АЛУ

6.1. Elite – алдын ала расталған біліктілік уақыты бар әуесқой спортшыларға арналған жеке сөрелік кластер.

6.2. 21 км 97,5 м қашықтықта Жарыстың элиталық санатына спортшыларды тіркеу almaty-marathon.kz интернет-сайтында электронды тіркеуден өткеннен кейін жүргізіледі.

6.3. Жарыстың элиталық санатына біліктілік алу үшін спортшыға немесе оның ресми өкіліне **2022 жылғы «01» сәуірге дейін** info@almaty-marathon.kz электронды адресіне өтінім жіберу және біліктілік уақытына сәйкес келетін расталған нәтижелерін ұсыну қажет. Ұқсас қашықтыққа өтінім бергенге дейінгі соңғы 3 (үш) жыл ішінде өткен жарыстардың нәтижелері ескеріледі.

6.4. Жаттығудың мобильді қолданбада жазылуы растау болып табылмайды.

6.5. 21 км 97,5 м қашықтыққа Жарыстың элиталық санатына қосылуға үміткерлер үшін біліктілік уақыты:

- ерлер: жартылай марафонда 1 сағ. : 20 м : 00 с.-қа дейін;
- әйелдер: жартылай марафонда 1 сағ. : 40 м : 00 с.-қа дейін.

7. ЖАРЫСТЫ ҰЙЫМДАСТЫРУ ЖӘНЕ ӨТКІЗУ ШЫҒЫНДАРЫ

7.1. Жарысты ұйымдастыру және өткізу шығындарын Ұйымдастыру комитеті көтереді.

7.2. Жарыстың жол жүрумен, орналасумен және тамақтанумен байланысты шығындарын қатысушыларды іссапарға жіберген ұйымдар немесе Жарысқа қатысушылардың өздері көтереді.

8. ҚАТЫСУШЫЛАРДЫ ТІРКЕУ ЖӘНЕ ЖАРЫСҚА ҚАТЫСУҒА РҰҚСАТ БЕРУ

8.1. Жарысқа қатысушыларды тіркеу www.almaty-marathon.kz интернет-сайтында **2021 жылғы «27» қыркүйекте** басталып, **2022 жылғы «01» сәуірде** немесе қатысушылар саны 5 500-ге (бес мың бес жүзге) жеткен кезде аяқталады.

8.2. Жарыстың корпоративтік қатысушыларын тіркеу info@almaty-marathon.kz электронды поштасына сұраным жолдау арқылы жүзеге асырылады. Бір компаниядан Жарысқа қатысушылар саны 30 (отыз) адамнан артық болуы тиіс. Жарысқа қатысушылар саны 30 (отыз) адамға жетпейтін командалар www.almaty-marathon.kz интернет-сайтында өз бетінше тіркеледі.

8.3. www.almaty-marathon.kz интернет-сайтында онлайн-тіркеу рәсімінен өтіп, Жарыстың нақты бір қашықтығына тіркелу фактісі бойынша берілген ID нөміріне сәйкес сөрелік жарнаны төлеген қатысушы Жарысқа тіркелген болып саналады. Жарысқа қатысушылар тізіміне тек ақысы төленген өтінімдер ғана енгізіледі.

8.4. Жарысқа қатысушы тіркелу және сөрелік жарнаны төлеу арқылы Жарысты өткізу туралы осы Ереженің барлық талаптарымен келіседі.

8.5. Жарыс қашықтықтарының сөрелік жарналарының құны:

- 21 км 97,5 м жартылай марафоны (соның ішінде онлайн) – **9 000 (тоғыз мың) теңге;**
- 10 км қашықтығы (соның ішінде онлайн) – **8 000 (сегіз мың) теңге;**
- 10 км скандинавиялық жүріс – **8 000 (сегіз мың) теңге;**
- Экиден 21.1 – **110 000 (бір жүз он мың) теңге.**

8.6. Жарыста қашықтықты ауыстыру 2022 жылғы «01» сәуірге дейін қоса алған кезеңде ғана мүмкін болады. Жарысқа қатысу слоты сатып алынып қойған жағдайда, Ұйымдастыру комитетіне хабарласып, Жарыс қашықтығын ауыстыру үшін 1 000 (бір мың) теңге төлеу қажет. Жарыс қашықтығы аздан көпке ауыстырылған жағдайда, слоттар құнының айырмасы да қосымша төленеді. Жарыс қашықтығы көптен азға ауыстырылған жағдайда, слоттар құнының айырмасы **қайтарылмайды!** Жарыс қашықтығы таңдалған Жарыс қашықтығында бос слоттар болған жағдайда ғана ауыстырылады. Жарыстың атаулы нөмірі бір қашықтықтан екіншісіне ауыстырылғанда атаулы нөмір сақталмайды.

8.7. Атаулы нөмірлер 2022 жылғы 18 наурызға дейін (қоса алғанда) тіркелген және сөрелік нөмірдің ақысын төлеген кезде беріледі.

8.8. Жарысқа қатысу үшін төленген қаражат қайтарылмайды. Дұрыс емес немесе басқа біреудің ID нөміріне жіберілген қаражат **қайтарылмайды** және Жарыстың басқа қатысушысына, сондай-ақ «Бірінші болу – батылдық» КҚ-ның басқа Жарысына қатысу ақысы ретінде аударылмайды.

8.9. Сөрелік нөмірі жоқ қатысушылар Жарысқа жіберілмейді!

8.10. Жарысқа қатысушының сөрелік нөмірі анық көрінуі тиіс. Жарысқа қатысушының сөрелік нөмірі алдыңғы жақтағы кеуде тұсында немесе бел буатын белдікте орналастырылуы тиіс.

8.11. Жарысқа өзге біреудің нөмірімен қатысуға тыйым салынады! Сөрелік нөмірлерді басқа адамдарға беру фактісі анықталған жағдайда, нөмірді берген Жарыс қатысушысы мен басқа біреудің нөмірін алған Жарыс қатысушысы осы Жарысқа қатысудан шеттетіліп, нәтижесінің күші жойылады. Келесі 3 (үш) Жарысқа да қатысуға рұқсат етілмейді.

8.12. Жарысқа құлаққаппен қатысу ұсынылмайды.

8.13. Мүгедектер арбасындағы, қол жетекті велосипедтегі қатысушылар, балаларға арналған арнайы жүгіру арбалары бар қатысушылар өз қашықтықтарындағы қатысушылардың негізгі легінің алдында арнайы кластерден сөреге шығады. Кластерге кіру үшін 2022 жылғы 14 сәуір күнгі сағ. 18:00-ге дейін info@almaty-marathon.kz адресіне алдын ала өтінім жіберу қажет. Арбадағы қатысушыда, сондай-ақ оны алып жүретін адамда 2022 жылғы Алматы жартылай марафонының сөрелік нөмірі болуы міндетті.

8.14. Жүгіру арбасында баласы бар спортшылардың қатысуына қойылатын талаптар. Арбада алып жүретін адамның қолына бекітілетін қауіпсіздік белдігі, үрлемелі доңғалақтар болуы тиіс, бала қауіпсіздік белдігімен бекітілуі, алдыңғы доңғалақтар белгілі бір қалыпта бекітілген болуы тиіс.

8.15. Мүгедектігі бар қатысушылар қатысу слотын тегін ала алады. Бұл үшін info@almaty-marathon.kz адресіне өтінім жіберу қажет. Өтінімде осы шараға тіркелген ID нөмірі, қатысушының аты-жөні, қашықтығы, сондай-ақ мүгедектігін растайтын құжаттары көрсетілуі тиіс. Қатысу ақысын алып жүретін адам өзі төлейді.

9. СӨРЕЛІК ЖИНАҚТАРДЫ БЕРУ

9.1. Жарыс қатысушыларына сөрелік жинақтар Алматы қаласында 2022 жылғы «15» және «16» сәуір күндері, сағ. 10:00-ден 20:00-ге дейін беріледі. Нақты беру орны кейінірек хабарланады.

Назар аударыңыздар! Жарыс қатысушыларына сөрелік жинақтар басқа күндері берілмейді.

Жарысқа қатысушылар мен басқа да адамдар Жарыстың сөрелік жинақтарын беру орнына Ұйымдастыру комитеті Жарыстың сөрелік жинақтарын беру орнында орнатқан QR коды арқылы «ASHYQ» қолданбасында тіркелгеннен кейін ғана жіберіледі!

9.2. Қатысушының сөрелік жинағына сөрелік нөмір, нәтижені тіркеуге арналған чип, қатысушы жадынамасы, сөмке, түйреуіштер кіреді.

9.3. Жарыстың корпоративтік қатысушылары сөрелік жинақтарын Жарысты өткізу туралы осы Ереженің 8.5-тармағында көрсетілген сөрелік нөмірлерді беру уақытында **2022 жылғы «15» және «16» сәуір күндері** ала алады. Жарысқа қатысушылардың сөрелік жинақтарын алу үшін сөрелік жинақты алатын адам өзінің жеке куәлігінің көшірмесін, сондай-ақ Жарысқа қатысушылардың әрқайсысының жеке куәліктерінің көшірмесін/көшірмелерін ұсынуы қажет.

9.4. Жарысқа қатысушылар бір мезгілде мына құжаттары болған жағдайда ғана жарысқа жіберіледі:

18 жасқа толмаған қатысушылар үшін:

- Жеке куәлігінің көшірмесі/туу туралы куәлігінің көшірмесі;
- Жарысқа қатысуға рұқсат беретіндігі туралы ата-ананың екеуінің де/қамқоршылардың (қамқоршының) қолхаты;
- Қолхатқа қолдарын қойған ата-ананың екеуінің де/қамқоршылардың (қамқоршының) жеке куәліктерінің көшірмесі.

18 жастан асқан қатысушылар үшін:

- Жеке куәліктің көшірмесі;
- Денсаулық туралы қолхат.

Барлық құжаттар қағазға басып шығарылған күйінде ұсынылуы тиіс.

Қатысушы сөрелік жинақты беру алдында «ASHYQ» қолданбасын орнатып, оны қолдануға міндетті. Қатысуға «ASHYQ» қолданбасында көк және жасыл «мәртебесі» бар атлеттер жіберіледі.

9.5. «ASHYQ» қолданбасында қызыл және сары «мәртебесі» бар Жарыс қатысушысы:

- сөрелік жинақтарды беру орнына, сондай-ақ Жарыс сөресіне жіберілмейді;
- **карантин аяқталғаннан кейін 14 күн өткен соң** Алматы қ., Әл-Фараби даңғылы, 5-үй, 501-офис, 1а блогы мекенжайында орналасқан Ұйымдастыру комитетінің офисінде таңдалған қашықтыққа өздігінен жүгіру трекерін ұсына отырып, сөрелік жинақ пен медальды ала алады.

9.6. Жарыс Қатысушысы сөрелік жинағын өзі алып кете алмайтын жағдайда, оны сөрелік жинақ берілетін күні өз жеке куәлігінің көшірмесін, сөрелік жинағы алынатын қатысушының жеке куәлігінің көшірмесін **(басып шығарылған күйде)** және Жарыс қатысушысының атынан жазылған денсаулық туралы қолхатты көрсету арқылы басқа адам алып кете алады.

9.7. Сатып алынған футболкалар сөрелік жинақтарды беру күнінде ғана беріледі. Жарыс қатысушысы футболканы алып кетпесе, бұдан арғы уақытта ол **берілмейді!**

9.8. Қатысушы слотты сатып алған, бірақ ауырып қалуына, жарақат алуына, басқа қалаға, іссапарға кетуіне, жұмыс ауысымына байланысты сөреге шыға алмайтын жағдайда, қатысушы таңдаған километражына сәйкес қашықтықты басқа уақытта немесе басқа жерде жүгіріп өтіп, сөреден кейін 2 (екі) аптаның ішінде медальді «Бірінші болу – батылдық» КҚ офисінен алып кете алады. Оны алу үшін жүгіру жазбасы бар онлайн-трекерді, сондай-ақ сөреде болмау себебін растайтын құжатты (еңбекке уақытша жарамсыздық парағы, дәрігердің қорытындысы, іссапар туралы бұйрық/іссапар куәлігі,

ұшаққа отырғызу талондарының көшірмелері) және қатысушының жеке куәлігінің фотосуретін немесе түпнұсқасын көрсетуі қажет. Мәжбүрлі онлайн қатысуға өтінімді спортшы сөрелік жинақтарды берудің екінші күні басталғанға дейін, атап айтқанда, 2022 жылғы 15 сәуір күнгі сағ. 18:00-ге дейін info@almaty-marathon.kz поштасына жіберуі тиіс.

9.9. Қатысушы өзінің сөрелік жинағын білмесе / ұмытып кетсе / алуға үлгермеген болса, сөре өткеннен кейін онлайн-трекер бойынша медаль беру мүмкін болмайды.

9.10. Басқа жағдайлар 2022 жылғы 17 сәуір күнгі сағ. 14:00-ге дейін info@almaty-marathon.kz поштасына өтінім берген кезде жеке қарастырылады.

10. COVID-19

10.1. Жарыстың сөре қалашығына тек медициналық немесе көп рет қолданылатын бетпердемен кіруге рұқсат етіледі. Жарыс қатысушылары сөреге шығар алдында кем дегенде 1,5-2 метр арақашықтық сақтауға, сондай-ақ Ұйымдастыру комитетінің нұсқауларын орындауға міндеттенеді.

Өзіңізді нашар сезінген жағдайда, үйде қалыңыз. Жарыстың Ұйымдастыру комитеті мен еріктілері Жарыс қатысушысының дене қызуы көтерілген және/немесе вирустық ауру белгілері болған жағдайда Жарыс қатысушысын сөрелік жинақтарды беру орнына немесе сөре қалашығына кіргізбеуге құқылы.

Жарыс қатысушыларына Жарыстың басталуынан бірнеше күн бұрын ПТР тестін тапсыру ұсынылады.

10.2. Жарыс қатысушысы **Спорттық іс-шарада Covid-19 вирустық ауруының таралуымен күрес жөніндегі регламентте** жазылған барлық ережелерді оқып, оларды сақтауға міндетті.

10.3. Қазақстан Республикасының мемлекеттік органдары/ұйымдары/қызметтері, соның ішінде жергілікті өзін-өзі басқару органдары тарабынан Жарысты өткізуге ресми тыйым салынған жағдайда, Жарыс кейінірек мерзімге ауыстырылады. **Жарысқа қатысушылардың осыған дейін төлеген барлық сөрелік жарналары автоматты түрде Жарыс өтетін жаңа күнге ауыстырылады.** Жарысты өткізудің нақты (жаңа) күнін Ұйымдастыру комитеті қатысушыларға осы Ереженің 17-бабында көрсетілген Ұйымдастырушының Ақпараттық дереккөздерінде осы ақпаратты орналастыру, сондай-ақ Жарысқа тіркелу кезінде Жеке кабинетте көрсетілген Қатысушының жеке поштасына хабарламалар жіберу арқылы кейінірек хабарлайды.

10.4. Қазақстан Республикасының қабылданған мемлекеттік нормативтік-құқықтық актілеріне байланысты Жарыстың басқа елден келетін шетелдік қатысушысы Жарыстың басталу қарсаңында Қазақстан Республикасының мемлекеттік шекарасынан өте алмаған және Жарысқа қатыса алмайтын жағдайда, ол Ұйымдастыру комитетіне өзінің сөрелік жарнасын «Алматы жартылай марафоны – 2023» келесі жүгіру жарысына ауыстыру туралы өтінім бере алады. Бұл жағдайда өтінім беру оны info@almaty-marathon.kz электронды поштасына жіберу арқылы жүзеге асырылады.

11. ЭКИДЕН 21.1

11.1. Жарыстың Экиден командалық эстафетасына 16 жастан асқан спортшылар қатыса алады. Команда 4 (төрт) адамнан тұрады, олардың әрқайсысы өз бөлігін жүгіріп өтеді.

11.2. Әр команда 5 км, 5 км, 5 км, 6 км 97,5 м бөліктеріне бөлінген 21 км 97,5 м қашықтығын жүгіріп өтуі тиіс.

11.3. 2 (екі) және одан көп командаға қатысуға, сондай-ақ Жарыс жолының бірнеше бөлігін жүгіруге тыйым салынады.

11.4. Жарыстың Экиден эстафетасында команда үшін қатысу құны **110 000 (Бір жүз он мың) теңгені** құрайды.

11.5. Жарыстың Экиден командалық эстафетасына командаларды тіркеу www.almaty-marathon.kz интернет-сайтында **2021 жылғы «27» қыркүйектен бастап** жүзеге асырылады және **2022 жылғы «01» сәуірде** аяқталады. Толық ақпарат алу үшін cc@almaty-marathon.kz электронды поштасына хабарласуларыңызды сұраймыз.

11.6. Экиден эстафетасын табыстау орындары:

- 1-ші (бірінші) қатысушы (сөре) – Тұңғыш Президент саябағы;
- 2-ші (екінші) қатысушы – Әл-Фараби даңғылы, Шашкин көшесінің бұрышы;
- 3-ші (үшінші) қатысушы – Әл-Фараби даңғылы, Розыбакиев көшесінің бұрышы;
- 4-ші (төртінші) қатысушы – Абай даңғылы, Саин көшесінің бұрышы (Саин көшесі мен Алтынсарин көшесінің арасында)

12. ОНЛАЙН ҚАТЫСУ.

12.1. Онлайн қатысуға 100 слот бөлінеді. Осы санға жеткеннен кейін онлайн қатысуға тіркелу жабылады.

12.2. Қатысушы https://www.almaty-marathon.kz/ru/events/almatinskiy_polumarafon_2022/reg/ сайтында жеке терезеде тіркеуден өтуі тиіс.

12.3. Онлайн-қашықтықта қатысу құны:

- 21 км 97,5 м жартылай марафоны (соның ішінде онлайн) – **9 000 (тоғыз мың) теңге**;
- 10 км қашықтығы (соның ішінде онлайн) – **8 000 (сегіз мың) теңге**.

Енгізілген сөрелік жарна қайтарылмайды, басқа қатысушыға қайта тіркелмейді, сондай-ақ «Бірінші болу – батылдық» КҚ басқа шарасына аударылмайды.

12.4. Жарыстағы қашықтықты онлайннан кәдімгі қашықтыққа немесе онлайн қатысу ішінде ауыстыру 2022 жылғы «01» сәуірге дейін қоса алғандағы кезеңде ғана мүмкін болады. Жарысқа қатысу слоты сатып алынып қойған жағдайда, Ұйымдастыру комитетіне хабарласып, Жарыс қашықтығын ауыстыру үшін 1 000 (бір мың) теңге төлеу қажет. Жарыс қашықтығы аздан көпке ауыстырылған жағдайда, слоттар құнының айырмасы да қосымша төленеді. Жарыс қашықтығы көптен азға ауыстырылған жағдайда, слоттар құнының айырмасы **қайтарылмайды!** Жарыс қашықтығы таңдалған Жарыс қашықтығында бос слоттар болған жағдайда ғана ауыстырылады. Жарыстың атаулы нөмірі бір қашықтықтан екіншісіне ауыстырылғанда атаулы нөмір сақталмайды.

12.5. Онлайн-қашықтық қатысушылары жұлде қорынан үміткер бола алмайды.

12.6. Онлайн-қашықтық қатысушылары толық сөрелік жинақты, сондай-ақ мәреші медалін алады. Сөрелік жинақ пен мәреші медалін 2022 жылғы 19 сәуірден кейін 5 жұмыс күні ішінде Алматы қаласы, Әл-Фараби даңғылы, 5-үй, 1а блогы, 501-офис мекенжайындағы «Бірінші болу – батылдық» КҚ офисінен сағ. 9:00-ден 18:00-ге дейін алып кетуге болады.

12.7. Алматы қаласы бойынша, сондай-ақ кез келген басқа қалаға жеткізу Қатысушының есебінен жүзеге асырылады. Слот құнында мекенжайға жеткізу қамтылмаған.

13. САҚТАУ КАМЕРАСЫ

13.1. Қатысушылардың заттары сақтау камерасына қатысушылар сөрелік жинақты беру кезінде алатын 2022 жылғы Алматы жартылай марафонының брендтелген сөмкелерімен ғана қабылданады.

13.2. Ұйымдастырушы Қатысушы сөмкесінің ішіндегі заттарға жауапты болмайды.

13.3. Сақтау камерасына шабадандар, ірі көлемді сөмкелер және брендтелген сөмкеге салынбаған басқа да заттар қабылданбайды.

13.4. Сақтау камерасына бағалы заттарды, ақшаны, әшекейлерді өткізбеуге кеңес береміз. Ұйымдастыру комитеті сөмкелердегі заттардың жоғалғаны туралы кінәрат-талаптарды қарастырмайды.

13.5. Заттарды сақтау камерасына өткізу кезінде қатысушы сөрелік нөмірге бекітілетін стикерді алады. Стикер жоғалған жағдайда, сөмке Қатысушыға жарыс өткен күні берілмейді. Сөмкені шара аяқталғаннан кейін бір аптаның ішінде, сөмкенің ішіндегі заттарды нақты атай отырып, «Бірінші болу – батылдық» КҚ офисінен алып кетуге болады.

14. НӘТИЖЕЛЕРДІ ЕСЕПТЕУ ЖӘНЕ ЖАРЫС ЖЕҢІМПАЗДАРЫН АНЫҚТАУ

14.1. Жарыс қашықтықтары бойынша жарыс қатысушыларының нәтижесі Жарыстың электронды хронометраж жүйесінде тіркеледі және оны Жарыстың төрешілер алқасы растайды. Жарыс қашықтықтары бойынша жарыс жеңімпаздары мен жүлдегерлерін анықтау мәре сызығына жету фактісі бойынша жүзеге асырылады.

14.2. Жарыс қашықтықтары бойынша жарыс жеңімпаздары мен жүлдегерлерін анықтау IAAF 165.24 («IAAF жалпы ережелері») ережесіне сәйкес жүзеге асырылады.

14.3. Жарыстың ресми нәтижелері Жарыс аяқталғаннан кейін 24 (жиырма төрт) сағат ішінде www.almaty-marathon.kz интернет-сайтында жарияланады.

14.4. Жарысқа қатысушының нәтижесі сөрелік нөмір дұрыс орналасқан жағдайда ғана тіркеледі.

14.5. Жарыстың Ұйымдастыру комитеті төмендегі жағдайларда Жарысқа қатысушылардың әрқайсысы жеке нәтижесін 100% алатынына кепілдік бермейді:

- Чип дұрыс бекітілмегенде;
- Чип магнитсізденгенде;
- Жарыстың Төрешілер алқасының шешімі бойынша Жарысқа қатысудан шеттетілгенде.

14.6. Қорытынды шығару кезінде қолданылатын терминология:

- DNS – Did not start (қатысушы сөреге шықпады)
- DNF – Did not finish (қатысушы мәреге жетпеді)
- DSQ – Disqualified (қатысушы Жарыстан шеттетілді)
- CR – Championship Record (жарыстар рекорды)
- GUN TIME – Қатысушының мәреге жету уақыты. Сөре белгісінің берілуінен бастап қатысушының мәре төсеніштерін кесіп өтуіне дейінгі уақыт
- CHIP TIME – Қатысушының жеке уақыты. Қатысушының сөре төсеніштерін кесіп өтуінен бастап мәре төсеніштерін кесіп өтуіне дейінгі уақыт

МАҢЫЗДЫ! Жеңімпаздар мен жүлдегерлер қатысушының GUN TIME мәреге жету уақыты бойынша анықталады.

15. ЖАРЫС ЖЕҢІМПАЗДАРЫН МАРАПАТТАУ

15.1. Жартылай марафон (21 км 97,5 м) ерлер мен әйелдер арасындағы қатысушыларды абсолюттік біріншілікте 1-3 орындар үшін марапаттау.

Жарыс жеңімпаздары мен жүлдегерлері ақшалай сертификат, грамота, медаль және бағалы сыйлық алады. Жарыстың осы қашықтығындағы абсолюттік есептегі жеңімпаздар жас санаттарында марапатталмайды.

15.2. Жартылай марафон (21 км 97,5 м) ерлер мен әйелдер арасындағы қатысушыларды әр жас санатында 1-3 орындар үшін марапаттау. Жарыстың осы қашықтығындағы жеңімпаздар мен жүлдегерлер грамота, медаль және бағалы сыйлық алады.

15.3. 10 км-ге спутник жарысы ерлер мен әйелдер арасындағы қатысушыларды әр жас санатында 1-3 орындар үшін марапаттау. Жарыстың осы қашықтығындағы жеңімпаздар мен жүлдегерлер грамота, медаль және бағалы сыйлық алады.

15.4. Әкиден 21.1. Командаларды абсолютті біріншілікте 1-3 орындар үшін марапаттау. Жарыстың осы қашықтығындағы жеңімпаздар мен жүлдегерлер грамота, медаль, кубок және бағалы сыйлық алады.

15.5. «10 км Скандинавиялық жүріс» қашықтығында марапаттау болмайды. Онлайн қашықтықтарға қатысушыларды марапаттау болмайды.

15.6. Жарыс қашықтықтарында мәреге жеткен барлық қатысушылар естелік медалін алады.

15.7. Ақшалай жүлделерді беру Жарыс жеңімпазының жеке банктік шотына аудару арқылы жүзеге асырылады. Алу үшін Жарыс жеңімпазы Жарыс өткізілгеннен кейін 3 (үш) жұмыс күні ішінде info@almaty-marathon.kz электронды поштасына мына құжаттарды жіберуі тиіс:

- **Резиденттер үшін:**

- Банктік шоттың болуы туралы анықтаманы, сондай-ақ жеке басты куәландыратын құжаттың көшірмесін;

- **Бейрезиденттер үшін:**

- Жеке басты куәландыратын құжаттың көшірмесін, банктің атауын, банк бөлімшесінің мекенжайын және ақшаны алатын қаланың атауын.

15.8. Жарыс қатысушысы жүлделі орынды иеленгені үшін сыйлығын Жарыс кезінде алып кетпеген жағдайда, ол оны Жарыс өткеннен кейін 10 (он) жұмыс күні ішінде Алматы қаласы, Әл-Фараби даңғылы, 5-үй, 1а блогы, 501-офис мекенжайындағы «Бірінші болу – батылдық» Корпоративтік Қорының Ұйымдастыру комитетінің офисінен сағ. 11:00-ден 16:00-ге дейін алып кете алады.

Жарысқа қатысушы сыйлықтарды өздігінен алып кете алмайтын және оларды алуды сенімді адамға табыстай алмайтын жағдайда, Жарыс жеңімпазы info@almaty-marathon.kz электронды поштасына Ұйымдастыру комитеті алушының есебінен сыйлықтарды жолдай алатын мекенжайды жіберуі тиіс.

Бұл опция тек Қазақстан Республикасының резиденттері үшін қолжетімді.

16. МАРШРУТТА ӨЗІН ҰСТАУ ЕРЕЖЕЛЕРІ

16.1. Біздің ұсынымдарымыз:

- Құлаққаптардан бас тарту. Қатысушы басқа жүгірушілердің, төрешілер мен ұйымдастырушылардың ескертулерін естуге міндетті.
- Екі және одан көп қатысушылармен бір қатарда жүгірмеу.
- Жай жүруге көшкенде жолдың оң жағын ұстану.

16.2. Мыналарға тыйым салынады:

- Арбадағы спортшылардан басқа барлық адамдарға кез келген механикалық қозғалыс құралдарын (самокат, велосипед, роликтер және т.б.) пайдалануға.
- Жануарлармен қатысуға.
- Алкогольден немесе есірткіден масаю күйінде қатысуға.
- Басқа қатысушыларға қауіпті болуы мүмкін кез келген заттармен қатысуға.
- Серуендеу арбаларымен қатысуға. Трассада тоқтауға.
- Қатысушылардың қозғалысына және жарысты ұйымдастыруға басқа да тәсілдермен кедергі жасауға.
- Ережені бұзғаны үшін қатысушы жарыстан шеттетілуі мүмкін.

16.3. Адамдардың көп жиналуына жол бермеу үшін жанкүйерлерге шараға барудан бас тарта тұруға кеңес береміз.

16.4. Онлайн-жарыс қатысушылары шара өтетін күні сөреге жіберілмейді.

17. ЖАРЫСТАН ШЕТТЕТУ

17.1. Жарыстың Ұйымдастыру комитеті мына жағдайларда Жарыс қатысушысын Жарыстан шеттетуге құқылы:

- қатысушы жүгіруді сөре ресми түрде басталмай тұрып бастады;
- қатысушы жүгіруді сөре аймағы жабылғаннан кейін бастады;
- қатысушы сөреге сөрелік нөмірсіз шықты;
- қатысушы Жарыстың Ұйымдастыру комитетінің, төрешілерінің немесе бас дәрігерінің нұсқаулары мен ескертулеріне назар аудармады;
- қатысушы Жарыс ережелерін бұзды;
- қатысушы 2 (екі) қашықтықта немесе 2 (екі) және одан көп команданың құрамында жүгірді, бұл қатысушының да, командалардың да Жарыстан шеттетілуіне алып келеді.

17.2. Жарысқа қатысушылар мына жағдайларда қорытынды хаттамадан шығарылады:

- қатысушы басқа адамға тіркелген басқа біреудің нөмірімен жүгірді;
- қатысушы қашықтықты қысқартты;
- қатысушы өтінім берілмеген қашықтықты жүгірді;
- қатысушы қол астындағы қозғалыс құралын (велосипедті, самокатты, басқаларын) пайдаланды;
- қатысушы жүгіруді сөре аймағынан тыс бастады;
- қатысушы жүгіруді өз кластерінен бастамады;
- қатысушы нақты жарыстың ресми нөмірінсіз жүгірді немесе нөмір киімнің астында жасырылды.

18. ЖАРЫСТЫҢ ТӨРЕШІЛЕР АЛҚАСЫ

18.1. Жарыстың төрешілер алқасы – төрешілер Жарыс ережелерінің сақталуын, Жарысқа қатысушылар арасындағы спорттық доданың әділ және адал жүргізілуін, ал Жарыс жеңімпазының объективті түрде анықталуын мұқият қадағалайды. Жарысқа қызмет көрсететін барлық спорт төрешілері Жарыстың Төрешілер алқасын құрайды.

18.2. Жарыстың Төрешілер алқасының құрамына мыналар кіреді:

• **Жарыстың Бас төрешісі:**

Жарыстың Бас төрешісі Жарыстың жекелеген төрешілері арасында міндеттерді бөледі, ал Жарыс аяқталған кезде бас төреші Жарыстың Ұйымдастыру комитетіне ол туралы жазбаша есеп береді.

• **Жарыстың Бас хатшысы:**

Жарыстың Бас хатшысы хаттамаларды өңдейді және нәтижелерді шығарады, төрешілерді, қатысушыларды және көрермендерді сөренің барысы туралы хабардар ету үшін қажетті материалдарды уақтылы дайындайды, ал Жарыс аяқталғаннан кейін нәтижелер бойынша жалпы есепті құрастырады.

• **Жарыстың сөре-мәре аймағының төрешілері:**

Жарыстың сөре-мәре аймағының төрешілері сөре кезінде ережелердің сақталуы және ешкімнің артықшылықтарға ие болмауы үшін Жарысқа қатысушылардың қашықтыққа кластерлерге сәйкес шығуын қатаң қадағалайды. Мәре түзуінде төрешілер алғашқы 10 (он) мәрешіні мәре хаттамаларына тіркейді. Хаттамалар нәтижелерді хронометраж жүйесімен салыстырып тексеру үшін Жарыстың Бас төрешісіне ұсынылады.

Жарыстың Төрешілер алқасына кәсіби спортшылар мен мамандарды шақыруға рұқсат етіледі.

18.3. Жарыстың Бас дәрігері:

Жарыстың Бас дәрігері жарыс жолында және Жарыстың сөре-мәре қалашығында медициналық қызметкерлер мен Жарыс еріктілерінің жұмысына жетекшілік етеді. Қажет болған жағдайда, Жарыстың Бас дәрігері қатысушыны Жарыстан алып тастай алады.

19. НАРАЗЫЛЫҚТАР МЕН КІНӘРАТ-ТАЛАПТАР

19.1. Наразылықтар Жарыстың Ұйымдастыру комитетіне беріледі және оларды Жарыстың Төрешілер алқасы қарайды.

19.2. Жарысқа Қатысушы Жарыс аяқталғаннан кейін күнтізбелік 2 (екі) күн ішінде кінәрат-талап қоюға құқылы.

Кінәрат-талаптар info@almaty-marathon.kz электронды поштасына жіберіледі.

Кінәрат-талап қою кезінде Жарысқа қатысушы мына деректерді көрсетуі қажет:

- қатысушының аты-жөні (анонимді өтініштер қаралмайды);
- кінәрат-талаптың мәні, кінәрат-талаптың мазмұны;
- кінәрат-талап қою негіздері (фотосурет, жеке секунд өлшеуіш, субъективті пікір және т.б.).

19.3. Жарыстың Ұйымдастыру комитеті наразылық және/немесе кінәрат-талап алынған мезеттен бастап 24 (жиырма төрт) сағат ішінде Жарыс қатысушысына ресми жауап дайындайды, ол кінәрат-талап/наразылық берілген электронды адреске жіберіледі.

19.4. Кінәрат-талаптар тек Жарыс қатысушыларынан ғана қабылданады.

20. БҰҚАРАЛЫҚ АҚПАРАТ ҚҰРАЛДАРЫН АККРЕДИТТЕУ

20.1. Жарысқа бұқаралық ақпарат құралдарын аккредиттеу алдын ала жүргізіледі. Жарысқа аккредиттеу үшін **2022 жылғы «16» сәуірге дейін** prmanager@almaty-marathon.kz электронды поштасына деректерді (БАҚ атауы, тілшінің, оператордың, фотографтың аты-жөні, байланыс телефоны және e-mail адресі) жіберу қажет.

21. ЖАРЫСТЫҢ АҚПАРАТ КӨЗДЕРІ

Жарыс туралы толық ақпарат www.almaty-marathon.kz интернет-сайтында, сондай-ақ Ұйымдастыру комитетінің келесі әлеуметтік желі аккаунттарында орналастырылған:

- <https://vk.com/almatymarathon>;
- <https://www.facebook.com/almatymarathon/>;
- <https://www.instagram.com/almatymarathon/>;
- t.me/almaty_marathon.

Жарыстың Ұйымдастыру комитеті басқа ақпараттық ресурстарда орналастырылған ақпарат үшін жауапкершілік көтермейді.

22. ҚОРЫТЫНДЫ ЕРЕЖЕЛЕР

22.1. Жарысты өткізу туралы осы Ереже Жарысқа қатысуға ресми шақыру болып табылады.

22.2. Ұйымдастыру комитеті Жарысты өткізу туралы осы Ережеге өзгерістер енгізу құқығын өзіне қалдырады.